

Paulo Nhoma A Ɔkyerew Kɔmaa Romafo

¹ Saa nhoma yi fi me, Paulo, Yesu Kristo somfo a wɔayi me se ɔsenkafo a wɔasoma me se menkɔka Onyankopɔn asempa no nkyen.

² Wɔnam Onyankopɔn adiyifo so dii kan hyee asempa no ho nkɔm wɔ Apam Dedaw no mu.

³ Saa bɔhye yi fa ne Ba Yesu Kristo a ɔye yen Awurade a ɔba ma wɔwɔo no se akokoaa too Ɔhene Dawid abusua mu no ho.

⁴ Na Honhom Kronkron da no adi pefee se Yesu Kristo ye Onyankopɔn Ba, efise wonyan no fii awufo mu.

⁵ Enam Kristo so nti na Onyankopɔn ma meyeɛ ɔsomafo maa Kristo, senea nnipa nyinaa nam gyidi so beye osetie ama Onyankopɔn.

⁶ Mo a mowɔ Roma a Onyankopɔn afre mo se mommeyer Kristo akyidifo no nso moka ho bi.

⁷ Eno nti, merekyerew mo a mowɔ Roma nyinaa a Onyankopɔn dɔ mo na wafre mo se mommeyer n'akyidifo no:

Ɔdom ne asomdwoe a efi yen Agya Onyankopɔn ne Awurade Yesu Kristo nka mo.

Aseda Mpae

⁸ Ansa na meka biribiara no, menam Yesu Kristo so da me Nyankopɔn ase ma mo nyinaa,

efise mo gyidi a mowɔ no adu wiase mmaa nyinaa.

⁹ Onyankopɔn a mede me koma nyinaa som no, na menam asempa a menam ne Ba so ka no nim se nea meka no ye nokware. Onyankopɔn nim se mekae mo daa.

¹⁰ Bere biara a mebo mpae no, mesre Awurade se ɔmmao mma mintumi mmesra mo mpren ara.

¹¹ Efise mepere hwehwe se mehu mo na maboa mo ama moanya Onyankopɔn honhom mu nhyira na ahye mo den.

¹² Nea mekyere ne se me ne mo nyinaa benya honhom mu ahɔden bere koro mu a yede behye yen ho yen ho gyidi mu den.

¹³ Me nuanom, monkae se bere biara a meye m'adwene se merebesra mo no, na biribi abebo mu. Mepɛ se mesakra nnipa adwene wɔ mo mu senea maye wɔ amanamanmufo mu no.

¹⁴ Mo ne obiara, wɔn a wɔn ani atew ne wɔn a wɔn ani ntewee, wɔn a wɔasua ade ne wɔn a wonsuaa ade nyinaa ho asem ye m'asodi.

¹⁵ Eno nti mede m'ahɔden a mewɔ nyinaa aboa me ho se meba mo nkyen wɔ Roma abeka Onyankopɔn asempa no kyere mo.

¹⁶ M'ani nwu Asempa no ho, efise eye Onyankopɔn tumi a ɔnam so gye wɔn a wɔwɔ gyidi nyinaa nkwa; Yudafo kan na amanamanmufo no nso.

¹⁷ Asempa no kyere yen senea Onyankopɔn ma ye ye atreenefo, na enam gyidi so na wama yeaye saa. Senea Kyerewsem no ka no, ɔtreeneeni fi gyidi mu benya nkwa.

18 Onyankopɔn da n'abufuw adi fi ɔsoro de tia nnebɔneyefo nyinaa ne nnipa a wɔde nokware no hintaw afoforo no.

19 Efise Onyankopɔn ada ne nokwasem no adi wɔ wɔn mu, na ɔde ne ho nimdeɛ ahyɛ wɔn koma mu.

20 Efi bere a Onyankopɔn bɔɔ wiase no, ne tumi a ɛwɔ hɔ daa no ne ne nyamesu no ada adi. Nnipa nam Onyankopɔn abɔde so tumi hu saa nneɛma yi, enti wonni anoyi biara.

21 Wonim Onyankopɔn, nanso wɔmfa ne nidi a ɛfata no no mma no na wɔnna no ase nso. Aye saa ma wɔn adwene mu nnɔ na esum aduru mu.

22 Wɔka se wɔyɛ anyansafo nanso wɔyɛ nkwaseafo.

23 Ɛsɛ sɛ wɔsom Onyankopɔn onuonyamfo a ɔte hɔ daa no, wɔfaa nnua ne abo yɛɛ ahoni te sɛ nnomaa, mmoadoma, awɔ ne nnipa som wɔn.

24 Ɛno nti, Onyankopɔn gyaa wɔn maa afide a efi wɔn koma mu maa wɔne wɔn ho wɔn ho yɛɛ aniwude nso.

25 Wɔde Onyankopɔn ho nokwasem no sesaa atosem na wɔsom abɔde sen Ɔbɔade a daa wɔkamfo no no. Amen.

26 Esiane saa nti, Onyankopɔn gyaa wɔn maa honam mu akɔnnɔ a ɛyɛ aniwude. Na mpo wɔn mmea fa wɔn yɔnkonom mmea.

27 Saa ara nso na na mmarima ne mmea nna, na mmom, bɔne akɔnnɔ hyɛɛ wɔn ma wɔne wɔn ho wɔn ho dae, nam so nyaa akatua a ɛsɛ wɔn.

28 Esiane sɛ nnipa poo Onyankopɔn ho nokware no nti, wɔfaa wɔn adwemmɔne so yɛɛ nneɛma a ɛnsɛ sɛ wɔyɛ mmom.

²⁹ Amumoye ahorow nyinaa, bone, anibere ne nnebone hyee won ma. Nitán, awudi, akasakasa, asisi ne obra bone nso ka ho. Wodii nseku,

³⁰ kaa nsem a emfata faa afoforo ho; wokyi Onyankopon; woyee atutuwe, ahantan ne ahomaso. Na daa wodwen se wobeye bone. Wɔantie won awofa asem.

³¹ Na wonni suban; na wonni won bohye so; na wonni ayamyé ne ahummobo ma afoforo.

³² Na wonim se Onyankopon mmara kyere se nnipa a wotena ase wo saa okwan no so no se owu. Nanso wonko ara anye saa afide no, na mmom wopenee afoforo a woyee saa bone koro no ara bi no so.

2

¹ Mo a mubu afoforo aten no, munni anoyi biara. Okwan biara a mofefa so abu afoforo aten no, enam saa okwan no ara so ma mode atemmu ba mo ho so. Efise bone a ema mubu afoforo aten no, mo nso moye saa bone koro no ara bi.

² Yenim se, se Onyankopon bu won a wote saa ara no aten a na ne kwan so ara ne no.

³ Na wo, onipa, wubu afoforo aten wo nneema koro no ara a woye bi no ho a, wususuw se Onyankopon remmu wo aten ana?

⁴ Anaase, ebia wummu n'ayamyé, n'abodwokyere ne ne boaseto? Wunnim se Onyankopon ye mmaborohunufa a ope se okyere wo okwan a wobefa so anu wo ho?

⁵ Nanso esiane wo komaden ne komapirim nti, woboaboa abufuwhyew ano ma wo ho wo Onyankopon abufuwhyew da no, da no a obeda n'atentrenee adi no.

⁶ Nea obiara aye no so akatua na Onyankopɔn bema no anya.

⁷ Wɔn a wɔde boasetɔ ye papa de hwehwe anuonyam, nidi ne nea emporɔw no, obema wɔn nkwa a enni awiei.

⁸ Nanso wɔn a wɔye pɛsemekominya ne wɔn a wɔpo nokware no kodi bɔne akyi no, abufuwhyew ne amanehunu beba wɔn so.

⁹ Yudafo ne amanamanmufo a wɔkɔ so ye bɔne no nyinaa behu amane na wɔn werɛ nso behow.

¹⁰ Nanso wɔn a wotie no no, sɛ wɔye Yudafo anaa amanamanmufo no, wobɛnya anuonyam, nidi ne asomdwoe afi Onyankopɔn nkyɛn.

¹¹ Onyankopɔn nye nyiyimu na ɔnye nhweanim nso wɔ n'atammu mu.

¹² Wɔn a wonnim mmara no na wɔye bɔne no, wobɛkwati mmara no abu wɔn atɛn ara, na wɔn a wonim mmara no na wɔye bɔne no, wɔnam mmara no so bebu wɔn atɛn.

¹³ Ɛnye mmaratiefɔ na wɔtɛɛ wɔ Onyankopɔn anim, na mmom ɛye wɔn a wɔye osetie ma mmara no na wobebu wɔn bem.

¹⁴ Amanamanmufo no nni mmara, nanso wofi wɔn awosu mu ye nea mmara no hwehwe sɛ wɔye a, ɛwɔ mu sɛ wonni mmara de, nanso eyinom beye mmara ama wɔn.

¹⁵ Esiane sɛ wɔn abrabɔ kyere sɛ, nea mmara no hwehwe no, wɔakyerɛw wɔ wɔn koma mu no nti, wɔn ahonim di adanse sɛ wodi bem anaase wɔabu wɔn fɔ.

¹⁶ Enti asempa a meka no kyere sɛ, sɛ da no du a, saa na Onyankopɔn nam Yesu Kristo so bebu nnipa kokoamsem ho atɛn.

17 Mo Yudafo de, mususuw se mo ne Onyankopon te no yiye, efise ode ne mmara a monam so benya nkwagye no maa mo. Na moka wo mo anofafa nso se, moye ne nnamfonom sononko bi.

18 Munim nea Onyankopon hwehwe se moye. Moasua afi Mmara no mu ahu nea eye.

19 Mofa mo ho se moye akwankyerefo ma anifuraefo, na moye hann nso ma won a wote sum mu.

20 Mugye di se mubetumi akyere adwenharefo ne mmofra Onyankopon akwan, efise munim ne mmara a osuahu ne nokware ahye no ma no.

21 Mokyerekyere afoforo. Na aden nti na muntumi nkyerekyere mo ho mo ho? Moka kyere afoforo se wommom koron. Mo nso mobo koron ana?

22 Mo a moka se aguamammom nye. Mo nso mobo aguaman ana? Mo a moka se mukyi ahoni no, mobo koron wo hyiadan mu ana?

23 Mo a mohoahoa mo ho wo mmara no mu no, monam mmara no so bu so bu Onyankopon animtiaa ana?

24 Enye nwonwa se Kyerewsem no ka se mo nti wiasefo kasa tia Onyankopon.

25 Se woye Yudani na wudi Onyankopon mmara no so a, eye ade a esom bo. Na se moanni so a, nsonoe biara nni mo ne momonotofo ntam.

26 Se momonotofo di Onyankopon mmara so a, woremu won se Onyankopon nkurofo ana?

27 Enti momonotoni a odi mmara no so no bekasa atia mo, Yudafo a munim Onyankopon mmara a wokyere no, nanso munnii so no.

28 Fa a wode mo afa Yudasom mu atwa mo twetia, anaase Yudafo na wowoo mo no nkyere se moye Yudafo kann.

29 Yudani kann no ne nea oye no wo ne mu. Enye ohonam mu twetiatwa ne twetiatwa turodoo, na mmom koma mu nsakrae a efi Onyankopon Honhom mu ba no. Nsakrae yi mfi di a obi di mmara bi a wakyerew mu. Saa onipa no ayeyi mfi nnipa afoforo bi, na mmom, efi Onyankopon.

3

1 Eno de, na Yudaniye so mfaso ne den, anaase twetiatwa so wo mfaso bi?

2 Yiw mfaso wo so. Nea edi kan no, Onyankopon de ne nsem ahye won nsa.

3 Na se ebinom nni gyidi e? Gyidi a wonni no kyere se Onyankopon nye onokwafo ana?

4 Ente saa koraa! Se obiara ye otorofa a, Onyankopon de, oye onokwafo, senea wakyerew se,

“Wudi bem wo wo kasa mu
na wotee wo w’atemu mu.”

5 Na obi beka se, “Se yen bone a ye ye no da Onyankopon trenee adi kann a, aden nti na ese se Onyankopon abufuwhyew ba yen so?” (Merekasa se onipa)

6 Dabi da! Se Onyankopon nye otreneeni a, ebye den na watumu abu wiase aten?

7 Obi begye akyinnye aka se, “Se me nkon-tompo ma Onyankopon nokware da adi na n’anuonyam boro so a, eno de, aden nti na Onyankopon bu me fo se odeboneyeni?”

⁸ Ebinom nso beka se, “Eno de, momma yenye bɔne senea biribi pa befi mu aba!” Nnipa bi mpo ka se saa asem yi na ye ka. Onyankopɔn bebu wɔn aten.

Obiara Nteɛ

⁹ Afei, den na yenka? Yen Yudafo ye nnipa sen amanamanmufo no ana? Ente saa! Makyere mu dedaw se Yudafo ne amanamanmufo nyinaa ye pe wɔ bɔne tumi ase.

¹⁰ Senea Kyerewsem no ka se,
“Obiara nye ɔtreneeni;

¹¹ obiara nye ɔbadwemma;

na obiara nni ho a ɔhwehwe Onyankopɔn akyi kwan.

¹² Nnipa nyinaa atwe wɔn ho a fi Onyankopɔn ho; wɔn nyinaa aye bɔne.

Obiara nni ho a ɔye papa.
Ɔbaako mpo nni ho.”

¹³ “Wɔn anom te se ɔda a abue;
na wɔn tekrema ka nnaadaasem.”

“Wɔn anofafa ka nsem a ete se ɔwɔ ano bɔre.

¹⁴ Nnome a eye hu na efi wɔn anom ba.”

¹⁵ “Wɔnam awudi so pira afoforo ntem.

¹⁶ Wɔde ɔsee ne awerehow ba,

¹⁷ na wonnim asomdwoe kwan.”

¹⁸ “Na wonsure Onyankopɔn.”

¹⁹ Yenim se biribiara a ewɔ mmara no mu no, wɔkyerew maa wɔn a wɔhye mmara no tumi ase. Mmara no ka eyinom senea ebeye a obiara rennya anoyi, na ama Onyankopɔn akyere se wiase nyinaa di fo.

²⁰ Efise obiara nni ho a se ɔye nea mmara no hye se ɔnnye a, Onyankopɔn bebu no bem. Nea

mmara no ye ara ne se, ema onipa hu se waye bone.

²¹ Wɔada treneeɛ a efi Onyankopɔn, na emfi mmara no adi. Eno na mmara no ne Adiyifo no di ho adanse.

²² Saa treneeɛ a efi Onyankopɔn yi nam gyidi a yewɔ wɔ Yesu Kristo mu. Ewɔ ho ma agyidifo nyinaa. Nsonoe biara nni mu.

²³ Na nnipa nyinaa aye bone ama Onyankopɔn anuonyam abɔ wɔn,

²⁴ nanso onam Kristo adom nkwagye no so abu wɔn nyinaa bem.

²⁵ Onyankopɔn somaa Kristo se omfa ne ho mmebɔ afɔre mma yen. Kristo de ne mogya mae, senea ebeyɛ a gyidi a yebenya wɔ ne mu nti wobegye yen. Saa afɔre yi ma yehu se, mmere a atwa mu no, Onyankopɔn nam boasetɔ ne adom so de bone kyɛɛ.

²⁶ Efise na Onyankopɔn rehwe kwan na ode wɔn abeka nea ɔreyɛ saa bere yi no ho. Onyankopɔn yɛɛ eyi de kyerɛɛ ne trenee, efise onno ankasa nye nyiyimu, na obu atɛntrenee nso, na se nnebɔneyefo gye Yesu di a, obu wɔn se woteɛ wɔ n'ani so.

²⁷ Eno de, na ahohoahoa wɔ he? Biribiara nni ho! Na adɛn nti? Mmara no a yedi so no nti na wagye yen anaa? Dabi. Gye a ogye yen no nnyina mmara a yedi so, na mmom, egyina gyidi a yewɔ wɔ Yesu mu.

²⁸ Ne tiaatwa ne se, wɔnam gyidi so na wobu onipa bem, na enye mmara a odi so no nti.

²⁹ Onyankopɔn ye Yudafo nko ara Nyankopɔn ana? Ɔnye amanamanmufo nso Nyankopɔn bi ana? Eye nokware turodoo se ɔye amanamanmufo nso Nyankopɔn.

³⁰ Onyankopɔn ye baako, na ɔnam gyidi nko ara a Yudafo wɔ so bebu wɔn bem. Na saa ara nso na ɔnam gyidi nko ara so bebu amanamanmufo bem.

³¹ Enti eyi kyere se, ese se yefa saa gyidi no so gyae Mmara no so di ana? Dabi da, na mmom, se yewɔ gyidi a, yefoa Mmara no adanse so.

4

Wogyina Abraham Gyidi So Bu No Bem

¹ Asem ben na yebeka afa yen honam fam tete agya Abraham ho? Osuahu ben na onyae?

² Se wɔnam nneema a ɔye so buu no bem a, anka ɔwɔ biribi a ɔde behoahoa ne ho. Nanso ɔrentumi nhoahoa ne ho wɔ Onyankopɔn anim.

³ Kyerewsem no kyere yen se, “Abraham gyee Onyankopɔn dii; na eno so na enam maa Onyankopɔn gyee no se ɔtreneeni no.”

⁴ Onipa a ɔye adwuma no fata n’akatua; ense se wobu n’akatua no se akyede, na mmom, eye biribi a waye ho adwuma anya.

⁵ Enye nnwuma bi a onipa ye na ebema Onyankopɔn abu no bem. Onyankopɔn gye nneboneyefo to mu, efise wɔwɔ gyidi wɔ ne mu.

⁶ Dawid ka asem koro no ara se nhyira a efi Onyankopɔn nkyen ba onipa a Onyankopɔn agye no ato mu so. Saa nhyira yi mfi nnipa nnwuma mu. Eno nti Dawid kae se:

⁷ “Nhyira ne wɔn a

wode wɔn amumɔye akye wɔn,
na wɔakata wɔn bɔne so.

⁸ Nhyira nka onipa a
Awurade mmu ne bɔne ngu ne so da.”

⁹ Saa anigye a Dawid ka ho asem no wɔ
ho ma twetiatwafo nko ana? Dabi. Ewɔ
ho ma wɔn nso a wontwaa twetia no; efise
yeakenkan afi Kyerewsem no mu se, “Abraham
gyee Onyankopɔn dii, na esiane ne gyidi nti,
Onyankopɔn gyee no se ɔtreneeni.”

¹⁰ Bere ben na saa asem yi sii? Esii ansa
na wɔretwa Abraham twetia anaa Abraham
twetiatwa no akyi na esii? Esii ansa, na enye
twetiatwa no akyi na esii.

¹¹ Akyiri yi na wotwaa no twetia na ne
twetiatwa no ye nsɛnkyerɛne a ekyerɛ se,
na Onyankopɔn agye no se ɔtreneeni ansa na
wɔretwa no twetia. Enti Abraham ye Honhom
mu agya ma wɔn a wogyɛ Onyankopɔn di nyinaa
na wagye wɔn se atreneefo a wontwaa wɔn
twetia nso.

¹² Saa ara nso na Abraham ye agya ma obiara
a wɔatwa no twetia na ɔwɔ gyidi senea na
Abraham wɔ gyidi ansa na wɔretwa no twetia
no.

¹³ Enye mmara no so na wɔnam hyee Abraham
ne n’asefo bɔ se wɔbeye wiase adedifo, mmom
enam trenee a efi gyidi mu so.

¹⁴ Se wɔn a wodi Mmara so ye adedifo a, eno
de na gyidi nka hwee, na bɔhye no nso so nni
mfaso,

¹⁵ efise mmara de abufuwhyew ba. Na se
mmara nni ho a, mmarato nni ho.

16 Enti bɔhye no fi gyidi mu senea ebeye a ebefi adom mu na ebetena ho ama Abraham asefo nyinaa; enye won a wɔwɔ mmara no ase nko ara, na mmom won a wɔwɔ gyidi se Abraham nso. Ɔye yen nyinaa agya.

17 Senea wɔkyerew no, “Maye wo aman bebree agya.” Onyankopɔn kaa saa, efi se, Abraham gyee Onyankopɔn a ɔma awufo nya nkwa, na ɔye nneema foforo fi nea enni ho mu dii.

18 Bere a anidaso asa no, Abraham nyaa anidaso gye dii, enti ɔbeyee aman bebree so agya, senea na wɔaka akyerɛ no se, “Saa na w’asefo beye” no.

19 Abraham gyidi anhinhim bere a na ɔreyɛ adi mfe ɔha no mpo. Na onim nso se ɔregye nna awu, na ne yere Sara nso rentumi nwo mma.

20 Nanso ne gyidi anhinhim, na wannye Onyankopɔn bɔhye no ho akynnɛ. Ɔhyee ne gyidi mu den de anuonyam maa Onyankopɔn.

21 Na ogye dii yiye se Onyankopɔn betumi aye nea wahye ho bo no.

22 Eyi nti wobuu no se trenee maa no.

23 Wɔkyerew se, “Wobuu no se trenee maa no” no, wɔankyerew amma ɔno nko ara.

24 Na mmom wɔkyerew maa yen nso a Onyankopɔn bebu yen se atreneefo, yen a yegye nea onyan Yesu, yen Awurade fii awufo mu di no.

25 Yen bone nti, woyii no maa owu, na wonyan no maa yen bembu.

Asomdwoe Ne Anigye

¹ Afei a enam gyidi so ama Onyankopɔn abu yen bem no, yenam Awurade Yesu Kristo so anya Onyankopɔn asomdwoe.

² Ɔnam gyidi so de yen aba Onyankopɔn adom a yete mu mprenpren no mu. Yen ani gye wɔ anidaso mu sɛ yebeɔnya Onyankopɔn anim anuonyam.

³ Ɛnye ɛno nko, na mmom, yewɔ yen haw mu anuonyam nso, efise yenim sɛ ɔhaw de boasetɔ ba,

⁴ na boasetɔ de osuahu ba, na osuahu nso de anidaso ba.

⁵ Saa anidaso yi renni yen nhuammɔ, efise Onyankopɔn nam Honhom Kronkron a ɛye n'akyede a ɔde ama yen no so ahwie ne ɔɔ agu yen koma mu.

⁶ Bere a ɛse mu, bere a yeɛɛ mmerɛw no, Kristo wu maa amumɔyɛfo.

⁷ Na ɛbeyɛ den sɛ obi bewu ama nea ɔye onipa trenɛe mpo, na nea ɔye onipa pa no de, ebia obi besi ne bo awu ama no.

⁸ Nanso Onyankopɔn da ne ɔɔ adi wɔ eyi mu sɛ, bere a yeɛɛ nnebɔneyɛfo no, Kristo wu maa yen.

⁹ Esiane sɛ wɔnam ne mogya no so abu yen bem no nti, wɔnam ne so begye yen afi Onyankopɔn abufuwhyew mu.

¹⁰ Na sɛ bere a yeɛɛ atamfo mpo Onyankopɔn de ne Ba no wu yeɛ mpatade maa yen a, saa mmere yi a yeɛne Onyankopɔn wɔ ayɔnkofa yi de, yenim sɛ ɔnam ne Ba no so begye yen nkwa.

¹¹ Enye eyi nko, mmom yenam Awurade Yesu Kristo a ne mu na yeanya mpata no so hoahoa yen ho wɔ Onyankopɔn mu.

Adam Ye Owu Farebae, Kristo Ye Nkwa Farebae

¹² Bɔne nam onipa baako so na ebaa wiase, na ne bɔne no de owu bae. Eno nti owu trew baa nnipa nyinaa so, efise wɔn nyinaa yee bɔne.

¹³ Na bɔne wɔ ho ansa na wɔde mmara no reba. Nanso mmara nni ho a, wommu bɔne ho akontaa.

¹⁴ Nanso efi Adam bere so kosi Mose bere so no, owu dii nnipa nyinaa so kosii wɔn mpo a wɔanye bɔne so, senea Adam de, ɔyee asoɔden kyeree Onyankopɔn no. Ɔkwan bi so no, Adam ye Kristo, nea na ɔrebeba no, seso.

¹⁵ Nanso wɔn baanu no nyinaa nye pe, efise Onyankopɔn akyede a ɔde kye kwa no nte se Adam bɔne no. Eye nokware se esiane saa onipa baako no bɔne nti, nnipa pii wuwui. Nanso Onyankopɔn adom no dɔɔso; eno nti na ɔnam onipa baako a ɔne Yesu Kristo adom so dom bebre kwa no.

¹⁶ Bio, Onyankopɔn akyede no nte se nsun-suanso a efi onipa baako bɔne mu bae no. Atemmu no nam bɔne baako so de afobu bae, nanso bɔne bebre akyi no, akyede no de bembu bae.

¹⁷ Se enam onipa baako bɔne so na owu dii hene a, eno de wɔn a wonya adom mmoroso ne trenee akyede no nam onipa baako a ɔne Yesu Kristo so bedi hene wɔ nkwa mu.

¹⁸ Enti senea onipa baako pe bɔne a ɔyee no ma wobuu nnipa nyinaa fo no, saa ara nso na trenee

nneyɛɛ baako ma wobuu nnipa nyinaa bem, ma yenyaa nkwa.

¹⁹ Na sɛnea ɛnam ɔbaakofo asoɔden so nti nnipa nyinaa yɛɛ nnebɔneyɛfo no, saa ara nso na onipa baako setie nti wɔbɛyɛ bebree atreneefo.

²⁰ Wɔyɛɛ mmara no, sɛnea ɛbɛyɛ a bɔne bɛda adi pefee; nanso mɛn dodow a bɔne dɔɔso no, adom no dɔɔso mmoroso,

²¹ enti sɛnea bɔne di nnipa so de wɔn kɔ owu mu no, saa ara na adom no nam trenɛɛ so de daa nkwa a ɛwɔ Yesu Kristo, yɛn Awurade mu bɛba no.

6

Nkwa Wɔ Kristo Mu

¹ Afei, asem bɛn na yɛbɛka? Yɛbɛkɔ so atena bɔne mu, sɛnea ɛbɛyɛ a adom bɛdɔɔso ana?

² Ɛnte saa koraa! Yɛawu ama bɔne, na aden nti na ɛsɛ sɛ yɛkɔ so tena bɔne mu?

³ Anaa munnim sɛ bere a wɔbɔɔ yɛn nyinaa asu hyɛɛ Kristo Yesu mu no, wɔbɔɔ yɛn asu hyɛɛ ne wu mu?

⁴ Bere a wɔbɔɔ yɛn asu no, yewui na wosieɛ yɛn ne Kristo. Sɛnea Agya Onyankopɔn nam n'anuonyam so nyan Kristo fii awufo mu baa nkwa mu no, saa ara nso na mpɛmpɛn yɛtɛ ase wɔ nkwa foforo mu.

⁵ Na sɛ yɛne no ayɛ koro wɔ ne wu mu a, wɔbɛfa saa ɔkwan koro no ara so anyan yɛn aba nkwa mu, na yɛne no ayɛ baako.

⁶ Yɛnim sɛ wɔbɔɔ yɛn nipadua dedaw no ne Kristo asennua mu. Wɔyɛɛ eyi sɛnea nipadua dedaw a ɛyɛ bɔne no renɛyɛ bɔne nkoa bio,

⁷ Efise se onipa wu a, na wɔayi no afi bɔne tumi ase.

⁸ Se yene Kristo awu a, yewɔ gyidi se yene no betena.

⁹ Efise yenim se wɔanyan Kristo afi owu mu, na ɔrenwu bio. Owu nni ne so tumi bio.

¹⁰ Ne wu a owui no yee owupreko maa bɔne, na n'ase a ɔte yi, ɔte ma Onyankopɔn.

¹¹ Eno nti saa ɔkwan koro ara so na ese se mofa mo ho se moawu ama bɔne, na motena ase ma Onyankopɔn wɔ Kristo Yesu mu.

¹² Ense se bɔne di mo nipadua a ewui no so na amma mo anye bɔne.

¹³ Saa ara nso na ense se mugyaw mo honam akwaa biara ma bɔne se nneema a wɔde di anumɔyɛsem. Na mmom momfa mo ho mma Onyankopɔn se nnipa a wɔanyan mo afi owu mu aba nkwa mu. Momfa mo ho nyinaa mma no, na ɔmfa mo nye trennee nnwuma.

¹⁴ Ense se bɔne di mo so, efise monhye mmara ase, na mmom mohye adom ase.

Trennee Nkoa

¹⁵ Den bio? Esiane se yenhye mmara ase na yehye adom ase no nti, ese se yekɔ so ye bɔne ana? Dabi da.

¹⁶ Munnim se, nea mutie no ara na ne nkoa ne mo anaa? Se eye bɔne a ede kɔ owu mu, anaase osetie a ede kɔ trennee.

¹⁷ Nanso yɛda Onyankopɔn ase. Efise bere bi a atwa mu a na moye bɔne nkoa no, mode mo koma nyinaa tiee nkyerekyerɛ a wɔde maa mo no.

¹⁸ Wɔagyɛ mo afi bɔne mu ama moabɛye nkoa ama trennee.

19 Esiane mo nipasus nti, mede nkoasom ho mfonitwa reboa mo ama moate eyinom nyinaa ase. Senea mmere bi mode mo ho nyinaa maa se afide ne amumoyesem nkoa no, afei de momfa nye nkoa mma trenee nko kronkronye mu.

20 Bere a na moye bone nkoa no, na treneeye nni mo so tumi.

21 Moyee nneyee a afei de mo ani wu wo ho no, mfaso ben na munyae? Nea ekowiei ne owu.

22 Nanso mprenpren wogye mo afi owu mu ama moabeeye Onyankopon nkoa. Mfaso a munya wo mu no ko kronkronye mu, na nea efi mu ba ye nkwa a enni awiei.

23 Na bone so akatua ye owu, nanso Onyankopon akyede ye nkwa a enni awiei, wo Kristo Yesu yen Awurade mu.

7

Wode Aware Ye Mfatoho

1 Me nuanom, munim se esiane se mo nyinaa nim mmara no nti, mote nea mepese meka no ase se; mmere dodow a onipa te ase no, mmara di ne so ana?

2 Te se obea warefo, mmere dodow a okunu no te ase no de, onye ne kunu mmara ase, na se okunu no wu de a, na onye ne kunu mmara ase bio.

3 Eno nti se oko obarima foforo ho wo bere a ne kunu te ase a, wofre no owaressefo; na se ne kunu no wu a na onye saa mmara no ase bio; eno nti se aware obarima foforo a, onye owaressefo.

⁴ Afei me nuanom, mo nso, Kristo wu a owui nti moawu afi mmara no tumi ase. Ne saa nti, mone ono a wonyan no fii awufo mu abom senea mobetumi asom Onyankopon.

⁵ Bere a na yete ase ma yen ho no, yen bone su nam mmara no so kanyan yen wo yen mu ma yeeye adwuma maa owu.

⁶ Afei de, yenhye mmara biara ase efise yewu fii nea ekyekyeree yen se nneduafo no ase. Afei de, yenhye mmara biara a wɔakyerew no dedaw ase bio, na mmom yenam honhom foforo kwan so na esom.

Yene Bone Di Aperepere

⁷ Enti asem ben na yenka? Mmara no ye bone ana? Dabi da! Mmom, enam mmara so na mihuu senea bone te. Se enye mmara no na ekaa se, "Mma w'ani mmere obi ade" a, anka minnim anibere.

⁸ Bone nyaa kwan nam mmara nsem no so kekaa ne ho wo me mu, maa m'ani beree nneema ahorow bebre. Se mmara no nni ho a, bone nso nni tumi.

⁹ Ansa na mehu mmara no na mewo nkwa. Nanso mmaransem no bae no, metee bone ase, na miwui.

¹⁰ Mihuu se mmaransem a anka ede nkwa beba no, de owu bae.

¹¹ Bone nam mmaransem no so nyaa kwan daadaa me; enam mmaransem no so maa bone kum me.

¹² Nanso mmara no ye kronkron; na Mmaransem no nso ye kronkron, etee na eye nso.

13 Ade a eye no beyee owu maa me ana? Dabi da! Nanso senea ebeye a yebehu bone se bone no, efaa nea eye so de owu bre me. Enti bone nam mmaransam so maa me huu se bone ye ade a eye hu.

14 Yenim se mmara no ye honhom mu ade nanso meye ohonam muni a wooton me se akoo ama bone.

15 Mente nea meye ase; efise menyee nea ese se meye na mmom, meye nea miyki.

16 Se meye nea meppe se meye a, na ekyerere se mepene so se mmara no ye.

17 Senea ete no, enye m'ankasa na meye eyi; na mmom bone a ete me mu no.

18 Minim se ade pa biara nte me mu, me bone nipasu yi mu. Efise meppe se meye nea eye nanso mintumi nye.

19 Papa a meppe se meye no, menyee; mmom bone a meppe se meye no na meye.

20 Se meye nea meppe se meye a, na ekyerere se enye me na meye, na mmom eye bone a ete me mu no.

21 Mmara no ama mahu se biribi te me mu a emma mennyee nea minim se eye.

22 Me koma nyinaa mu, migye Onyankopon mmara to mu.

23 Nanso mifi m'akwaa nyinaa mu hu se biribi ne m'adwene di aperepere, ema meye bone akoo, na eno na ehye me ma meye biribiara.

24 Minni ahotɔ! Hena na obegye me afi saa ohonam a ede me rekɔ owu mu yi mu?

25 Menam yen Awurade Yesu Kristo so meda Onyankopon ase.

Na afei m'ankasa m'adwene mu no, meye akoo ma Onyankopɔn mmara, nanso bɔne nipasu mu no, meye akoo ma bɔne.

8

Nkwa A Efi Honhom Mu

¹ Enti afɔbu nni ho ma wɔn a wɔwɔ Kristo Yesu mu,

² efise Honhom Kronkron no ama mo nkwa a efi Kristo Yesu nkyen, na agye mo afi mmara a ede owu ba.

³ Esiane ɔhonam mmerɛwye nti, Mose Mmara no antumi anye yen. Enti Onyankopɔn yee nea Mmara no antumi anye. Ɔnam n'ankasa ne Ba a ɔsoma no wɔ onipa bɔnesu so no ba bebɔɔ afɔre maa yen, na obebu bɔne aten de pepaa yen bɔne.

⁴ Onyankopɔn yee eyi, senea ebeye a Kristo beye Mmara no asede ama yen, yen a yennantew ɔhonam fam, na mmom yenantew honhom mu no.

⁵ Wɔn a ɔhonam mmerɛwye hye wɔn so no dwene bɔne nko ara ho. Wɔn a wɔnam Honhom mu no dwene Honhom de.

⁶ Wɔn a wɔwɔ ɔhonam mmerɛwye adwene no bewu. Wɔn nso a wɔnam Honhom mu no benya nkwa ne asomdwoe.

⁷ Adwene a edwene ɔhonam mu no tan Onyankopɔn, efise emmre ne ho ase mma Onyankopɔn mmara; na mpo erentumi.

⁸ Wɔn a wodwen ɔhonam mu no rentumi nso Onyankopɔn ani.

⁹ Σε Onyankopɔn Honhom te mo mu a, enye ɔhonam mmɛwɛ na edi mo so. Na se obi nni Kristo Honhom a, ɔnye Kristo dea.

¹⁰ Ewɔ mu se bɔne bɛma mo nipadua yi awu de, nanso se Kristo te mo mu a, ne trenee nti mo honhom te ase.

¹¹ Σε Onyankopɔn Honhom a onyan Yesu fii awufo mu no te mo mu a, eno de, nea onyan Kristo fii awufo mu no nso nam ne Honhom a ewɔ mo mu no so bɛma mo nipadua a ewu yi nso nkwa.

¹² Enti anuanom, yewɔ asodi bi, nanso yenye mma ɔhonam no senea ɔpe.

¹³ Σε motena ase ma ɔhonam a, mubewu. Nanso se moma Honhom no kum bɔne a nipadua no ye a, mubenya nkwa.

¹⁴ Wɔn a Onyankopɔn Honhom di wɔn so no ye Onyankopɔn mma.

¹⁵ Efise moannya honhom a ema mo ye nkoa bio ma osuro, na mmom moanya mmaye Honhom na yenam ne so su se, “Abba, Agya!”

¹⁶ Na Honhom no ankasa ne yen honhom di adanse se yeye Onyankopɔn mma.

¹⁷ Esiane se yeye Onyankopɔn mma nti yeye adedifo; Onyankopɔn adedifo a yene Kristo wɔ kyefa wɔ mu, nanso gye se yene no kye n’amanehunu ansa na yene no akye n’anuonyam no.

Daakye Anuonyam

¹⁸ Minim se amane a yerehu no saa bere yi nye nea wɔde toto anuonyam a wɔbehɛ yen no ho.

¹⁹ Abɔde nyinaa de anigyina rehwe da a Onyankopɔn mma beda wɔn ho adi no kwan.

²⁰ Efise bere a emfi abode pe mu no, wonam Onyankopon tumi mu buu abode fo se ennan ade hunu. Nanso na saa anidaso yi wo ho

²¹ se, da bi, abode no bede ne ho afi nkoaye ne oporow mu na ene Onyankopon mma anya ahofadi mu anuonyam.

²² Yenim se ebese saa bere yi abode nyinaa pene se opemfo a awo aka no.

²³ Nanso enye abode nko, na yen a yewo Onyankopon Honhom se Onyankopon akyede no nso si apini bere a yeretwen se Onyankopon de yen beye ne mma. Eyi kyere se yebede yen ho wo onnam fam nso.

²⁴ Na wonam saa anidaso yi so gyee yen nkwa. Se yehu nea yen ani da so no de a, na enye anidaso bio. Na hena na n'ani tumi da ade a wo dedaw so?

²⁵ Na se yen ani da ade a yen nsa nkae so a, yede boaseto twen.

²⁶ Saa ara na Honhom no boa yen wo yen mmerewye mu, efise, yennim okwan a wofa so bo mpae senea ese. Honhom no ankasa de apinisi de nsem a enni kabea di ma yen.

²⁷ Onyankopon a ohu nnipa koma mu no nim Honhom no nsusuwii, efise Honhom no nam Onyankopon pe so di ma Onyankopon mma wo n'anim.

Yesen Nkonimdifo

²⁸ Yenim se ade nyinaa mu no Onyankopon di boa won a wodoo no ma ewie won yiye. Edi boa won a onam n'atirimpow so afre won.

²⁹ Wɔn a Onyankopɔn ayi wɔn dedaw no, ɔde wɔn asi hɔ sɛ wɔnyɛ sɛ ne Ba no, na ne Ba no ayɛ anuanom pii mu abakan.

³⁰ Onyankopɔn frɛɛ wɔn a oyii wɔn sii hɔ no, na wɔn a oyii wɔn no, obuu wɔn bem. Na wɔn a obuu wɔn bem no, ɔhyɛɛ wɔn anuonyam nso.

Onyankopɔn Wɔ Yɛn Afa

³¹ Afei, asem bɛn; dɛn na yɛbɛka afa eyinom ho? Onyankopɔn wɔ yɛn afa a, hena na ɔne yɛn bedi asi?

³² Nea wankame n'ankasa ne Ba, na mmom yɛn nyinaa nti oyii no mae no, ɛbɛyɛ dɛn na ɔmfɛ ade nyinaa nso nka ne ho mmɛdom yɛn?

³³ Hena na obebu wɔn a Onyankopɔn ayi wɔn no aten? Onyankopɔn nko na obu bem.

³⁴ Hena na obu fɔ? Kristo Yesu ne nea owui na wonyan no na ɔte Onyankopɔn nifa so di ma yɛn wɔ Onyankopɔn anim no.

³⁵ Hena na obetumi atetew ɔɔɔ a ɛda yɛne Kristo ntam no mu? Ahohia anaa ahometew anaa ɔtaa anaa ɔkɔm anaa adagyaw anaa amanɛnya anaa owu na ebetumi atetew ɔɔɔ a ɛda yɛne Kristo ntam no mu no ana?

³⁶ Dabi da! Wɔakyerɛw se,
 “Wo nti wokum yɛn daa nyinaa;
 wɔbu yɛn sɛ nguan a wɔrekokum wɔn.”

³⁷ Nanso eyinom nyinaa mu no, yɛnam nea ɔɔɔɔ yɛn no so di nkonim boro so.

³⁸ Migye di ampa sɛ owu anaa nkwa anaa abɔfo anaa atumfo anaa nneɛma a ɛwɔ hɔ anaa nneɛma a ɛrebɛba anaa tumi

39 anaa ɔsoro anaa fam anaa abode foforo biara rentumi ntetew yen ne Onyankopɔn do a ewo Kristo Yesu, yen Awurade, mu no mu da.

9

Onyankopɔn Ne Ne Manfo

¹ Mereka nokware se Okristoni, na m'ahonim a Honhom Kronkron di no adanse kyere me se minni atoro.

² Midi awereshow na mete daa yaw wo me koma mu ma me nkurofo.

³ Won nti anka mepɛ se Onyankopɔn nnome ba me so na ɔtew me fi Kristo ho.

⁴ Woye Onyankopɔn manfo a woyi won de won aye ne mma de won asan atena n'anuonyam mu. Ɔne won yee apam no na ɔde mmara no maa won; ɔkyeree ɔkwan pa a wofa so som maa won nsa kaa bohye no.

⁵ Woye tete agyanom asefo, na esiane se Kristo baa onipasu mu nti ɔye won aseni. Ayeyi nka Onyankopɔn a ɔye ade nyinaa so tumfo no daadaa. Amen.

⁶ Menka se Onyankopɔn bohye no amma mu, efise enye Israelfo nyinaa na Onyankopɔn ayi won se ne manfo.

⁷ Saa ara nso na enye Abraham asefo nyinaa na woye Onyankopɔn mma. Onyankopɔn ka kyeree Abraham se, "Ɛnam Isak so na w'ase betrew."

⁸ Eyi kyere se enye won a woye Abraham mma, na mmom won a wonam Onyankopɔn bohye so woo won no na woye Abraham asefo turodo.

⁹ Onyankopɔn nam saa bohye nsem a eka se, "Ampa ara, mesan aba wo nkyen bio bere a ese

mu no, na wo yere Sara awo ɔba” no so na ehyee saa bo no.

¹⁰ Enye eyi nko. Rebeka mma baanu no nyinaa fii agya koro a ɔne yen agya Isak.

¹¹ Na senea ebeye a Onyankopon nam ɔba baako so bema ne pe ada adi no nti,

¹² ɔka kyeree Rebeka se, “Ɔpanyin no besom akumaa no.” Ɔkaa eyi ansa na ɔrewo won ama wɔaye papa anaa bone. Enti na Onyankopon pe no gyina ne fre a ɔfre won no so, na enye won nneyee so,

¹³ senea Kyerewsem no ka se, “Medɔɔ Yakob na metan Esau” no.

¹⁴ Afei asem ben na yebeka? Se Onyankopon nye ɔnokwafo ana? Dabi da!

¹⁵ Efise, ɔka kyeree Mose se,
 “Nea mepɛ se miɥu no mmɔbo no, meɥu no mmɔbo,
 na nea mepɛ se meye no adɔe nso, meye no adɔe.”

¹⁶ Eyi kyere se, ennyina nea obi pe so anaa ne nnwuma so, na mmom egyina Onyankopon ahummɔbo so.

¹⁷ Kyerewsem no mu, Onyankopon ka kyeree Farao se, “Eyi ara nti na misii wo hene nam so daa me tumi adi, senea ebeye a, me tumi beda adi wo mmaa nyinaa.”

¹⁸ Eno de, Onyankopon hu nea ɔpe se oɥu no mmɔbo biara no mmɔbo, na nea ɔpe se ɔma no ye asoɔden nso ɔma no ye saa.

¹⁹ Afei obi bebisa se, “Se yentumi nsiw Onyankopon pe ho kwan a, aden nti na ɔbo yen sobo?”

20 Onua, wone hena a wubetumi akasa akyere Onyankopon? Kuku mmisa ne nwemfo se, “Ade nti na wonwen me sɛɛ?”

21 Onwemfo no wo ho kwan se ode dote no nwen nea ope biara. Otumi nwen nkuku abien fi dote mu, na ode mu baako adi dwuma titiriw bi, na ode baako no nso aye nea ope biara.

22 Saa ara na ade biara a Onyankopon aye no te. Opre se oda n’abufuw adi na oma wuhu ne tumi. Nanso otɔɔ ne bo ase maa won a anka ofi n’abufuwhyew mu rebeseɛ won no.

23 Oyee eyi de kyereɛ senea n’anuonyam no te, bere a onyaa ayamhyehye maa won a wayi won dedaw se wɔmmeye n’anuonyam no fafafo.

24 Enye won a wɔfreɛ won fii Yudafo mu nko ara, na mmom amanamanmufo nso.

25 Wɔka wo Hosea nhoma mu se,
“Mefre won a wonye me nkurofo no ‘me nkurofo,’

na nea onye me dofo no mefre no ‘me dofo,’ ”

26 na

“Beae koro no ara a wɔka kyereɛ won se,

‘Monnye me nkurofo’ no,

ehɔ ara na wɔbefre won se ‘Onyankopon teasefo no mma.’ ”

27 Na Yesaia dii Israelfo ho yaw se,

“Se Israelfo doɔso se mpoano nwea mpo a,

won mu kakraa bi na wobegye won nkwa.

28 Efise Awurade beye ntem, na senea ete biara no,

obeye nea wabo ho kɔko se obeye wo asase so no.”

29 Yesaia nso kae se,

“Se Asafo Awurade

annyaw yen asefo a,
anka yeaye se Sodom,
na yeadan aye se Gomora.”

Israel Nnye Nni

³⁰ Afei asem ben na yebeka bio? Yebeka se amanamanmufo a wɔanhwehwe trenee akyi kwan no nam gyidi so yee atreneefo;

³¹ Nanso Israelfo a wɔpɛɛ se wɔnam mmara so di so no besɔ Onyankopɔn ani mpo, Onyankopɔn annye wɔn anto mu.

³² Adɛn nti na ebaa saa? Efise wɔpɛɛ se wɔnam mmara so di so sɔ Onyankopɔn ani, nanso anka eɛɛ se wonya gyidi wɔ Onyankopɔn mu mmom. Wohintiw “hintibo” no.

³³ Senea wɔakyerɛw se,
“Hwɛ, Mede ɔbo a ɛma nnipa hintiw ato Sion
ne ɔbotan a ɛma wɔhwe ase,
na nea ɔde ne ho to no so no anim rengu ase
da.”

10

Gyidi Ne Bɔneka

¹ Anuanom, nea me koma pere hwehwe ye me mpae a meɔ sɛɛ Onyankopɔn ma Israelfo se wobenyankwagyɛ.

² Metumi adi wɔn ho adanse se wɔye nnipa a wɔde mmɔdemmo som Onyankopɔn senea eɛɛ. Nanso wɔn som no mfi nimdeɛ mu.

³ Wɔammu trenee a efi Onyankopɔn no, na mmom wɔpɛɛ se wɔfa wɔn ankasa nimdeɛ so. Eyi amma wɔamfa wɔn ho anhyɛ Onyankopɔn pɛ a ɔnam so ma onipa wie pɛye no ase.

⁴ Kristo ne mmara no awiei, enti obiara a ogye di no beye ɔtreneeni.

⁵ Mose kyerɛɛ sɛ, sɛ onipa di mmara no so a, obetumi asɔ Onyankopɔn ani, bere a ɔkyerɛw sɛ, “Sɛ obi pɛ sɛ onya nkwa a, ɔnyɛ nea mmara no ka no nyinaa.”

⁶ Nanso wɔn a wɔn gyidi nti Onyankopɔn agye wɔn no, mmisa wɔ wɔn koma mu se, “Hena na ɔbɛkɔ ɔsoro akɔfa Kristo aba?”

⁷ Na wɔremmisa nso se, “Hena na ɔbɛkɔ awufo asase so akonyan no aba nkwa mu?”

⁸ Nea Kyerɛwsem no ka ni: “Onyankopɔn asem no abɛn wɔ, ɛda w’ano na ɛwɔ wo koma mu.” Eyi ne asem a efa gyidi ho a yɛka no.

⁹ Sɛ wopae mu ka se, “Yesu ne Awurade,” na wugye di sɛ Onyankopɔn na onyan no fii awufo mu a, wobegye wo nkwa.

¹⁰ Na yefi koma mu gye di na wɔabu yɛn bem, na yede yɛn ano pae mu ka na yɛanya nkwagye.

¹¹ Na Kyerɛwsem no ka se, “Obiara a ɔde ne ho to ne so no, n’anim rengu ase.”

¹² Nsonoe biara nni Yudani ne Amanaman-muni ntam. Awurade baako no yɛ Awurade ma wɔn nyinaa na ohyira wɔn a wosu frɛ no.

¹³ Sɛnea Kyerɛwsem no ka se, “Obiara a ɔbɛbɔ Awurade din no benya nkwa.”

¹⁴ Ɛbeyɛ dɛn na nnipa benya gyidi wɔ Awurade mu na wɔabisa no nkwagye? Na ɛbeyɛ dɛn na wɔate? Gye sɛ obi ka kyerɛ wɔn.

¹⁵ Na sɛ wɔansoma wɔn nso a, wɔbeyɛ dɛn na wɔaka Asempa no? Sɛnea wɔakyerɛw se, “Wɔn a wɔde Asempa no reba no anan yɛ fɛ.”

16 Nanso enye wɔn nyinaa na wɔagyɛ Asempa no adi, senea Yesaia kae se, “Awurade, hena na wagye yen asenka adi?”

17 Eno de, na gyidi no fi asem no tie mu, nea yɛte fi Asempa a efa Kristo ho no mu.

18 Nanso mibisa se: Wɔante ana? Mmom wɔtee:

“Wɔn nne akodu asase so mmaa nyinaa,
na wɔn nsem nso akodu asase ano.”

19 Mibisa bio se, Israelfo ante ase ana? Nea edi kan, Mose ka se,

“Mɛma moatwe aman a wɔnye me man mpo ho ninkunu.

Mede ɔman a wonni ntease bɛhyɛ mo abufuw.”

20 Na Yesaia de akokoduru ka se,

“Wɔn a wɔnhwehwɛ me no huu me;
medaa me ho adi kyerɛɛ wɔn a wommisaa m’ase no.”

21 Na nea ɔka faa Israelfo ho ne se,

“Da mu nyinaa matɛw me nsa mu
ama nnipa a wɔyɛ asoɔden ne nyiyiano.”

11

Israel Nkae No

1 Afei mibisa se, Onyankopɔn atow ne man akyene ana? Dabi da. M’ankasa meye Israelni na meye Abraham aseni a mifi Benyamin abusua mu.

2 Onyankopɔn ampo ne nkurofo a oyii wɔn mfiase no. Munim nea Kyerewsem no ka fa Elia ho senea ɔkasa tiaa Israelfo wɔ Onyankopɔn anim se,

³ “Awurade, wɔakum w’adiyifo na wɔadwiriw w’afɔremuka, na me nko na maka a wɔpɛ sɛ wokum me.”

⁴ Mmuɛ beɛn na Onyankopɔn de maa no? Onyankopɔn kae se, “Mewɔ nnipa mpem ason a wɔnsom ɔbosom Baal.”

⁵ Saa ara nso na ɛte nnɛ. Nnipa kakraa bi wɔ hɔ a Onyankopɔn nam ne dom so ayi wɔn.

⁶ Yi a wayi wɔn no gyina n’adom so na ɛnye wɔn nnwuma so. Na sɛ Onyankopɔn yi a oyi nnipa no gyina wɔn nnwuma so a, ɛno de na adom no nye adom turodoo.

⁷ Ɛno de na ɛne den? Nea Israelfo tiw akyi hwehwɛe no, wɔn nsa anka, na mmom kakraa a Onyankopɔn ayi wɔn no de, wɔn nsa kae. Wɔn a wɔaka no pirim wɔn koma

⁸ sɛnea Kyerɛwsem no ka se,
 “Onyankopɔn maa wɔn honhom a ɛye botee,
 ani a ɛmma wonhu ade
 aso a ɛmma wɔnte asem,
 de besi nnɛ.”

⁹ Na Dawid ka se,

“Ma wɔn didipon a esi wɔn anim nyi wɔn sɛ afiri na wɔnhwehwe ase na wɔntwe wɔn aso!

¹⁰ Ma wɔn ani so nye wɔn kusuu na wɔanhu ade; na wɔn akyi nkuntun afeɔɔ.”

¹¹ Afei mibisa se, bere a Yudafo yɛɛ bɔne no, ɛde wɔn kɔɔ ɔsɛɛ mu ana? Dabi! Amanamanmufo nam Yudafo no bɔne a wɔyɛɛ no so nyaa nkwagye. Eyi maa Yudafo no twee wɔn ho ninkunu.

¹² Yudafo no bɔne a wɔyɛɛ no de nnɛpa brɛɛ wiase na wɔn honhom mu hia a wodii no nso de ahonya brɛɛ amanamanmufo. Na ɛba sɛ Yudafo

no mu beeree beka wɔn ho a nhyira mmoroso ben na eremma?

¹³ Afei merekasa akyere mo amanamanmufo: Esiane se meye amanamanmufo osomafo nti, mehoahoa me ho wɔ adwuma a wɔde ahye me nsa no ho.

¹⁴ Se ebetumi a, mema wɔn a wɔye me nuanom Yudafo no kɔn adɔ nea mo amanamanmufo nsa aka yi bi, na wɔnam so agye wɔn mu bi nkwa.

¹⁵ Na se wɔn po a wɔpoo wɔn no ama Onyankopɔn ne wiasefo aka abɔ mu a, eno de se Onyankopɔn twe wɔn bata ne ho a ebeye den? Ebeye nkwa ama awufo.

¹⁶ Se wɔde brodo sin ma Onyankopɔn a, eno de, na ne mu nyinaa ye ne dea. Saa ara nso na se dua no ntin ye kronkron a, ne mman no nyinaa nso ye kronkron.

¹⁷ Wɔapenpan ngodua a wɔahye da adua no mman no bi agu, na wɔde ngodua a wɔanhye da annua no mman abehye n'anan mu. Mo amanamanmufo no te se ngodua a wɔanhye da annua, nanso afei de, mo ne Yudafo no nyinaa nya Onyankopɔn dom a wɔde adom wɔn no pe.

¹⁸ Nanso monhwe yiye na moanhoahoa mo ho se wɔde mo asi mman a wɔapenpan no anan mu. Monkae se moye mman keke, na monye ntin.

¹⁹ Na mobeka se, "Eye, wobubuu mman no se wɔmfa me nsi wɔn anan mu."

²⁰ Yiw, nanso monkae se wɔapenpan saa mman a eye Yudafo no, efise wɔannye Onyankopɔn anni, na mugye di nti na mowɔ ho. Mommma mo ho so, na mmom munsuro nea ebetumi asi.

21 Na se Onyankopɔn amfa Yudafo a wɔte se ngodua pa mman no bɔne ankye wɔn a, mususuw se ɔde mo bɔne bekye mo ana?

22 Enti monhwe Onyankopɔn ayamyɛ ne ne denyɛ. Ɔye den wɔ wɔn a wɔyɛɛ asoɔden no so, nanso ne yam ye ma mo wɔ bere a mode mo ho ato n'ayamyɛ so. Na se moamfa mo ho anto no so a, saa ara na wɔbɛpenpan mo.

23 Na se Yudafo no gye di bio a, Onyankopɔn besan de wɔn ayɛ dua no mman bio. Obetumi ayɛ saa.

24 Na se Onyankopɔn pɛɛ se ɔde mo a moyɛ wuram ngodua mman bɛfam dua papa a ɔno ankasa adua ho de, anka ɛmfa ɔkwan mu a, ɛno de, ɔbɛɛ no mmoroso se ɔde Yudafo no bɛfam dua a ɛyɛ wɔn ankasa de no ho.

Onyankopɔn Ahummɔbɔ Wɔ Hɔ Ma Obiara

25 Me nuanom, ahintasɛm bi wɔ hɔ a mɛɛ se mote ase, sɛnea monnyɛ ahantan na monhoahoa mo ho. Yudafo no mu bi apirim wɔn koma, nanso se amanamanmufo no nyinaa dan ba Kristo nkyɛn a ɛto betwa.

26 Enti Israelfo nyinaa benya nkwagyɛ. Mokaɛ nea adiyifo no kaa wɔ eyi ho?

“Agyenkwa no befi Sion aba,
na obeyi amumɔyɛsɛm nyinaa afi Yakob asefo mu.

27 Na medi apam a mene wɔn ayɛ no so na mapepa wɔn bɔne.”

28 Yudafo no bebree ayɛ Asempa no atamfo. Na mo, amanamanmufo anya so mfaso, efise Onyankopɔn de n'akyɛde no ama mo. Nanso

Yudafo ye ne man a wapaw wɔn ara, esiane bo a wahye wɔn nenanom nti,

²⁹ efise wɔrennan Onyankopɔn akyede ne ne fre no ani.

³⁰ Na mo amanamanmufo de, bere a atwam no mu, moyee asoɔden tiaa Onyankopɔn, nanso Yudafo no poɔ n'ahummɔbo no nti Onyankopɔn huu mo mmɔbo mmom.

³¹ Saa ara nso na esiane adom a moanya no nti, mprenpren, Yudafo no nso aye asoɔden atia Onyankopɔn. Nanso nna bi akyi no wɔn nso benya Onyankopɔn adom no.

³² Onyankopɔn aka nnipa nyinaa ahye wɔn asoɔden ase senea obeye adom ama obiara.

Awiei

³³ Aɔ Onyankopɔn ahonya ne nyansa ne nimdee bun a mu do!

Hena na obetumi ahu n'atammu mu pɛɛɛɛ, na wahu nea n'akwan nenam.

³⁴ "Hena na onim Awurade adwene anaase hena na ɔye ne fotufo?"

³⁵ "Hena na wama Onyankopɔn biribi kan a ese se Onyankopɔn tua no so ka?"

³⁶ Efise ade nyinaa fi ne mu na eba, na enam ne so na eba, na ebesan ako ne nkyen bio. Ono na anuonyam wo no daa daa. Amen.

12

Aforebo A Ete Ase Ma Onyankopɔn

¹ Eno nti, anuanom, esiane Onyankopɔn ahummɔbo nti, mehye mo se momfa mo ho mmɔ afore a eye kronkron na eso Onyankopɔn ani. Eyi ne nokwasem a ese se muso mu.

² Monnye mo ho se wiasefo wo mo abrabo mu, na mmom momma Onyankopon nsakra mo adwene wo mo mu, na moanya adwene foforo, na enam so ama moahu Onyankopon apede, nea eye, nea eso n'ani ne nea ewie peye.

³ Na esiane Onyankopon adom a ode ama me no nti, meka kyere mo nyinaa se, monnwene mo ho mma emmoro senea ese se modwene, na mmom monnwene mo ho ahobrese mu, na mo mu biara nnyina gyidi a Onyankopon de ama mo no so.

⁴ Senea yen mu biara wo nipadua a ho akwaa ye bebree, na saa akwaa yi mu biara wo dwuma a edi no,

⁵ saa ara na Kristo mu no yen a yeye bebree no ye nipadua baako, na akwaa biara ye akwaa no nyinaa dea.

⁶ Yewo akyede ahorow senea wode adom yen no. Se obi akyede ye nkomhye a, ma onnyina ne gyidi so mfa nye adwuma.

⁷ Se eye osom a, ma onsom. Se eye nkyerekyere a, ma onkyerekyere.

⁸ Se ese se yehye afoforo nkuran a, ese se yeye saa; se eye mmoa a ode boa afoforo a, ma omfi koma pa mu nye; se eye akwankyerere a, ma no mfa nsi nye; se eye ayamye a, ma omfa anigye nye.

Onuado

⁹ Ese se odo ye nokware turodoo. Munkyi amumoye. Mommata nea eye ho.

¹⁰ Momfa onuado nnodo mo ho mo ho. Munni afoforo ni nsen mo ho.

11 Monkɔ so nye nsi, monye hyew wɔ honhom mu, na momfa ahoseɛw nsom Awurade.

12 Munnya anidaso mu anigye, amanehunu mu boasetɔ, na momfa gyidi mmɔ mpae.

13 Mone Onyankopɔn nkurɔfo a ahia wɔn no nkye nea mowɔ. Mommɔ ahɔhoye ho mmɔden.

14 Munhyira wɔn a wɔtaa mo no. Munhyira wɔn, na monnnome wɔn.

15 Mo ne anigyefo ani nnye, na mo ne asufo nsu.

16 Mo ne afoforo ntena asomdwoe mu. Monnye ahantan, na mmom momfa mo ho mmɔ mmɔborɔfo. Mummmu mo ho anyansafo.

17 Mommfa bɔne ntua bɔne biara so ka. Monye nea ebema nnipa de nidi ama mo.

18 Sɛ ebetumi a, mo fam de, mo ne obiara ntena asomdwoe mu.

19 Monntɔ were me nnamfonom, na mmom momma Onyankopɔn abufuw ho kwan efise wɔakyerew se, "Me na aweretɔ wɔ me, metua ka," Awurade na ose.

20 Nanso,
 "Sɛ ɔkɔm de wo tamfo a, ma no aduan nni;
 sɛ osukɔm de no a, ma no nsu nnom.
 Na sɛ woye saa a, woboaboa nnyansramma ano
 gu n'atifi."

21 Mommma bɔne nni mo so. Mmom, momfa papa nni bɔne so.

13

Momfa Nidi Mma Tumi

1 Sɛ sɛ obiara brɛ ne ho ase ma tumi a ewɔ ɔman no mu, efise tumi biara nni ho a emfi

Onyankopɔn pɛ mu. Tumi biara a ɛwɔ hɔ no fi Onyankopɔn.

² Obiara a ɔne tumi a ɛwɔ hɔ no di asi no tia nea Onyankopɔn ahyehye. Na obiara a ɔbeyɛ saa no de atemmu ba n'ankasa so.

³ Wɔn a wɔyɛ papa no nsuro atumfo, na mmom wɔn a wɔyɛ amumɔyɛ no na wosuro atumfo. Wɔpɛ sɛ wɔyɛ obi a onsure nea tumi wɔ ne nsam ana? Ɛno de, yɛ nea ɛtɛɛ na ɔbɛkamfo wo.

⁴ Efise ɔyɛ Onyankopɔn somfo a wo yiyedi mu nti na ɔyɛ adwuma. Na sɛ wɔyɛ bɔne a, suro no efise ne tumi a ɔde twe aso no da hɔ fann. Ɔyɛ Onyankopɔn somfo, enti ɔnam Onyankopɔn abufuw so twe wɔn a wɔyɛ bɔne no aso.

⁵ Esiane saa nti, ɛsɛ sɛ wobɔɛ wo ho ase ma tumi, a ɛnyɛ sɛ Onyankopɔn abufuw no nti, na mmom, esiane nim a wunim sɛ ɛsɛ sɛ wɔyɛ no nti.

⁶ Eyi nti na ɛsɛ sɛ wutua tow, efise sɛ atumfo no yɛ wɔn adwuma a, wɔyɛ ma Onyankopɔn.

⁷ Enti tua ka a wode wɔn; tua ka a wode; sɛ ɛyɛ wo honam mu ka anaase ɛyɛ agyapade ho ka, na fa obu ne nidi ma wɔn nyinaa.

Asɛde

⁸ Nne obiara ka. Ka a ɛsɛ sɛ wode ara ne sɛ wobɛdɔ afoforo. Obiara a ɔdɔ ne yɔnko nnipa no adi mmara no so.

⁹ Mmaransɛm a ɛka se, “Nsɛɛ aware, nni awu, mmɔ korɔn, mma w’ani mmere ade,” eyinom ne nea ɛkeka ho nyinaa tiaatwa ara ne sɛ, “Dɔ wo yɔnko sɛ wo ho.”

¹⁰ Obiara a ɔdɔ ne yɔnko no nye no bɔne. Sɛ wɔdɔ wo yɔnko a, na ɛkyerɛ sɛ woadi mmara no nyinaa so.

¹¹ Ɛsɛ sɛ woyɛ eyi, efisɛ wunim dɔn ko a yɛwɔ mu. Bere adu sɛ wosɔre fi wo nna mu. Efisɛ bere a ɛsɛ sɛ wogyɛ yɛn nkwa no abɛn sɛn bere a yegyɛ dii kan no.

¹² Adesae retwa mu, na adekyee reyɛ abɛn yɛn. Enti, momma yennyae nneɛma a ɛyɛ sum de no yɛ, na momfa akode a wɔde ko wɔ hann mu no.

¹³ Momma yemmɔ yɛn bra yiye te sɛ nnipa a wɔte hann no mu a agobɔne anaa nsabow, aguamammɔ anaa ahohwi, ɔko anaa anibere nni mu.

¹⁴ Momma Awurade Yesu Kristo mmɛn mo te sɛ ntama a mufura, na morempɛ sɛ mobeyɛ nea ɔhonam pɛ.

14

Mummmu Aten

¹ Sɛ obi gyidi sua wɔ mo mu a munnye no; mo ne no nnnye nea n'adwene kyere no no ho akyinnye.

² Obi gyidi ma otumi di biribiara, nanso obi a ne gyidi sua no di afumduan nko ara.

³ Ɛnsɛ sɛ nea odi biribiara no bu nea onni biribiara no animtiaa; saa ara nso na ɛnsɛ sɛ obi a odi afumduan nko ara no bu nea odi biribiara no aten; efisɛ Onyankopɔn agye no.

⁴ Wo ne hena a wubu obi somfo aten? Ɛyɛ ɔno ankasa ne wura na ɔbɛka se wadi nkonim anaase wadi nkogu. Na obedi nkonim, efisɛ Awurade betumi ama wadi nkonim.

⁵ Obi dwene se da bi wo ho a eho hia sen nna a aka no. Saa ara nso na onipa afoforo nso dwene se nna nyinaa ye pe. E se se won mu biara si n'adwene pi.

⁶ Obiara a obebu da bi kese no ye saa de hye Awurade anuonyam; obiara a owe nam no we wo Awurade din mu, efise oda Onyankopon ase; saa ara na won a wonwe nso ye wo Awurade din mu de da Onyankopon ase.

⁷ Yen mu biara nte ase mma ne nko ara ho na obiara nwu mma ne nko ara ho;

⁸ se yete ase a, yete ase ma Awurade; na se yewu a, yewu ma Awurade. Enti, se yete ase o, yewu o, yeye Awurade de.

⁹ Na eyi nti na Kristo wui, na osoree, na onyaa nkwa, se obeye awufo ne ateasefo wura.

¹⁰ Na wo, afei, aden nti na wubu wo nua aten? Na wo, aden nti na wubu wo nua animtiaa? Yen nyinaa begyina Onyankopon anim ama wabu yen aten.

¹¹ Efise Kyerewsem no ka se,
 "Awurade ka se, mete ase yi,
 obiara bebu nkotodwe wo m'anim;
 na obiara bepae mu aka se, mene
 Onyankopon."

¹² Yen mu biara bebu ne ho akontaa akyere Onyankopon.

¹³ Eno nti momma yennyae yen ho yen ho atemmu. Mmom, nea e se se modwene ne se monnye biribiara a ebema mo nua ako bone mu.

¹⁴ Ahotoso a mewo wo m'Awurade Yesu mu no ma mihi se biribiara nni ho a eho nte. Na se obi gye di se biribiara ho nte a na saa onipa no na eho nte mma no.

¹⁵ Sɛ biribiara a wudi haw wo nua a, ɛno de na wonte hɔ ɔdɔ mu. Mma aduan a wudi no nsɛe onipa a ne nti Kristo wui no.

¹⁶ Mma ade a wubu sɛ eye no nnye din bɔne.

¹⁷ Efisɛ Onyankopɔn Ahenni no nye adidi ne ɔnom na mmom ɛye trenɛe, asomdwoe ne ahosɛpɛw a ɛwɔ Honhom Kronkron mu.

¹⁸ Obiara a ɔsom Kristo wɔ saa ɔkwan yi so no, Onyankopɔn agye no ato mu, na nnipa bu no.

¹⁹ ɛno nti ɛsɛ sɛ yetumi tena asomdwoe mu, na yeboaboa yen ho yen ho ma obiara nya gyidi a emu ye den.

²⁰ Nnyina aduan so nsɛe nea Onyankopɔn aye. Aduan biara ye aduan, nanso sɛ wudi aduan a ɛde ɔfoforo bɛkɔ bɔne mu a ɛye bɔne.

²¹ Ade trenɛe a ɛsɛ sɛ woyɛ ne sɛ wonwe nam, nnom nsa anaasɛ wonye biribi a ɛbɛto wo nua hintidua.

²² Nea wugye di wɔ saa asɛm yi ho no, ma ɛnka wo ne Onyankopɔn ntam. Nhyira ne nea ɔye n'apɛde a ɔnte nka sɛ wɔabu no atɛn.

²³ Na sɛ ne tirim nteɛ no wɔ nea odi ho na sɛ odi a, Onyankopɔn bu no atɛn, efisɛ nea ɔye no mfi gyidi mu. Biribiara a emfi gyidi mu no nso ye bɔne.

15

¹ ɛsɛ sɛ yen a yeyɛ den wɔ gyidi mu no tumi te wɔn a woyɛ mmerɛw no sinto ase. ɛsɛ sɛ yesɔ wɔn ani na yeansɔ yen ara ani.

² Yen mu biara nkamfo ade pa biara a ne yɔnko ye mfa nhyɛ no den.

³ Kristo mpo anye nea ope, senea Kyerewsem ka se, “Nnipa a wobo mo ahohora no bo me ahohora nso.”

⁴ Biribiara a woakyerew wo Kyerewsem no mu no, woakyerew de kyerekyerere yen senea ebeye a yenam boaseto, nkuranhye a Kristo Kyerewsem no de ma yen no so benya anidaso.

⁵ Onyankopon a yenia boaseto ne nkuranhye fi ne nkyen no mma mo honhom mu nkabom na mode adi Kristo Yesu akyi,

⁶ senea ebeye a mo nyinaa de koma koro ne ano koro bekamfo Onyankopon, yen Awurade Yesu Kristo Agya no.

⁷ Munnyigye mo ho mo ho nto mu mfa nkamfo Onyankopon senea Kristo agye mo no.

⁸ Efise meka kyeree mo se Kristo Yesu beyee Yudafo somfo de kyeree se Onyankopon ye onokwafu a obema ne bo a ohyee agyanom no aba mu,

⁹ na wama amanamanmufo nso akamfo no wo ne mmoborohunu ho senea Kyerewsem no ka se, “Eyi nti mekamfo wo wo amanamanmufo mu; na mato nnwom akamfo wo din.”

¹⁰ Na eka bio se,

“Mo amanamanmufo, monkamfo Awurade, mo ne ne nkurofo Yudafo.”

¹¹ Bio,

“Amanamanmufo nyinaa nyi Awurade aye; asase so aman nyinaa monkamfo no.”

¹² Na Yesaia ka bio se,

“Yisai aseni besore, nea obesore abedi amanaman no so; ono na won ani beda ne so.”

13 Anidaso Nyankopɔn no a mugye no di no mfa anigye ne asomdwoe nhye mo ma, senea ebeye a Honhom Kronkron tumi no bema mo anidaso mmoroso.

Paulo, Amanamanmufo Sofo

14 Me nuanom, m'ankasa mete nka se papaye ahye mo ma, mowɔ nimdee na mubetumi akyerɛkyere mo ho mo ho.

15 Mede akokoduru akyerew abobɔ nneema bi so, senea meretwe mo adwene ako so bio, esiane adom bi a Onyankopɔn de adom me no nti.

16 Meye Kristo Yesu somfo a ese se meye asofodwuma a mepae mu ka Onyankopɔn Asempa no senea ebeye a amanamanmufo beye afɔrebɔde a esɔ Onyankopɔn ani a Honhom Kronkron no atew ho.

17 Eno nti mitumi hoahoa me ho wɔ Kristo Yesu mu wɔ Onyankopɔn som yi mu.

18 Nea meka ho asem ara ne senea Kristo nam nea maka ne nea maye so ama amanamanmufo aye osetie ama Onyankopɔn no.

19 Saa nsenkyerenne ne anwonwade yi ye tumi a efi Honhom no mu. Enti efi Yerusalem de kosi Iliriko no, mapae mu aka Kristo Asempa no nyinaa.

20 Na me botae ne se, daa meka asempa no wɔ mmeaemmeae a wɔntee Kristo ho asem da no, na ankoye se misii dan wɔ obi fapem so.

21 Mmom senea wɔakyerew no:

“Wɔn a wɔnkaa ne ho asem nkyerɛɛ wɔn no behu,
na wɔn a wɔntee no nso bete ase.”

22 Eyi nti na bere biara a mepɛ sɛ meba mo nkyɛn no, biribi siw me kwan.

Paulo Ye N'adwene Sɛ Ɔbɛkɔ Roma

23 Nanso mpɛmpɛn a mawie m'adwuma wɔ saa amantam yi mu, na afei mfe bebree ni a mepɛɛ sɛ anka meba abehu mo no nti,

24 mayɛ m'adwene sɛ mekɔ Spania. Sɛ merekɔ a, mepɛ sɛ mehu mo na moaboa me ama makɔ hɔ bere a me ne mo atena anigye so kakraa bi no.

25 Mpɛmpɛn ara, merekɔ Yerusalem akɔsom Onyankopɔn manfo a wɔwɔ hɔ no.

26 Efisɛ asafo a ɛwɔ Makedonia ne Akaia no asi wɔn adwene pi sɛ wɔbɛboa ahiafo a wɔfra Onyankopɔn manfo a wɔwɔ Yerusalem no mu.

27 Wɔn ara na wosii wɔn adwene pi saa, nanso nokware ni, ɛye wɔn asɛde sɛ wɔboa saa ahiafo no. Amanamanmufo no nyaa Yudafo honhom no mu nhyira no bi. Ɛno nti na ɛsɛ sɛ amanamanmufo no de wɔn ahode som Yudafo no.

28 Sɛ miwie saa dwumadi yi na mekɔ wɔn nkyɛn na mede sika a wɔapɛ no nyinaa ma wɔn a, mɛfi hɔ akɔ Spania. Na sɛ merekɔ a meba mo hɔ abesra mo.

29 Sɛ meba mo nkyɛn a, minim sɛ mede Kristo nhyira a ɛboro so no beba.

30 Anuanom, menam yɛn Awurade Yesu Kristo ne ɔdɔ a Honhom no de ma me no so hyɛ mo sɛ mo ne me mmɔ mu mmɔ Onyankopɔn mpae dennen mma me.

31 Mommmɔ mpae, sɛnea ɛbeyɛ a asem bi rento me wɔ Yudea. Mommmɔ mpae mma wɔn a

wonnye asem no nni. Afei nso mommo mpae mma me som a mesom wo Yerusalem no, senea ebeye a ahotefo a wowo ho no begye ato mu.

³² Σε εγε Onyankopon pe a mede ahosepew beba mo nkyen abesra mo.

³³ Asomdwoe Nyankopon no ne mo nyinaa ntena. Amen.

16

Nkradi

¹ Mede yen nuabea Foibe a som Kenkrea asafu no hye mo nsa.

² Munnye no wo Awurade din mu senea ese se Onyankopon manfo ye, na mmoa biara a eho hia no wo mo nkyen no, momfa mmoa no. Efise waboa nnipa bebree ne me nso.

³ Mikyia Priska ne Akwila a woye me nuanom adwumayefo wo Kristo Yesu mu

⁴ a wopaa won nkwa akyi maa me no. Meda won ase bebree; enye me nko, na mmom amana-manmufo asafu no nyinaa.

⁵ Asafu a wohyia wo won fi no nso mikyia won. Munkyia m'adamfo pa Epaineto a ono ne onipa a odii kan gyee Kristo dii wo Asia mantam mu no mma me.

⁶ Mikyia Maria a oye adwuma dennen maa me no nso.

⁷ Mikyia Androniko ne Yunia. Mikyia me nuanom Yudafo a me ne won daa afiase a wogye din yiye wo asomafu no mu, na wodii me kan wo Kristo mu no.

⁸ Mikyia m'Awurade mu dofo Amplia.

⁹ Mikyia Ubano a yene no somee wɔ Kristo mu. Saa ara nso na mikyia m'adamfo pa Staki.

¹⁰ Mikyia Apele a ne Kristosom mu nokware ada adi no.

Mikyia Aristobulo abusuafo nyinaa.

¹¹ Mikyia me kuromni Yudani Herodion ne ne nuanom Kristofo a wofi Narkiso fi.

¹² Mikyia Trifaina ne Trifosa mmea a wɔbɔ Awurade som mu mmɔden no.

Saa ara nso na mikyia m'adamfo Persi a ɔno nso ye ɔbea a wɔbɔ mmɔden aboa Awurade som no.

¹³ Mikyia Rufo a wadi dwuma kese wɔ Awurade som mu no. Mikyia Rufo a ɔfaa me se ne ba no nso.

¹⁴ Mikyia Asinkrito, Flegon, Herme, Patroba, Herma, ne anuanom Kristofo a wɔka wɔn ho nyinaa.

¹⁵ Mikyia Filologo ne Yulea, Nereo ne ne nuabea ne Olimpa ne Onyankopɔn manfo a wɔne no wɔ ho no nyinaa.

¹⁶ Momfa mfewano kronkron nkyiakya mo ho mo ho.

Kristo asafo no nyinaa kyia mo.

¹⁷ Anuanom, mitu mo fo se monhwe wɔn a wɔde mpaapaemu ne wɔn a wɔsee afoforo gyidi na wotia nkyerekyere a moanya no yiye no; montwe mo ho mfi wɔn ho.

¹⁸ Efise wɔn a wɔye saa no nsom Kristo, yen Awurade no; na mmom wɔsom biribiara a wɔpe na eye ma wɔn. Wɔdefedefe wɔn a wonnim hwee.

19 Obiara ate gyidi a mowɔ wɔ Asempa no mu no. Eno nti, eɛa m'ani gye mo ho. Mepɛ sɛ mo ani tew wɔ nneɛma pa ho na mokata mo ani wɔ bɔne ho.

20 Na Onyankopɔn a ɔbrɛ yen asomdwoe no bepetɛw Satan wɔ mo anan ase.

Yen Awurade Yesu Kristo dom nka mo.

21 Me yɔnko Timoteo se okyia mo. Saa ara nso na Lukio, Yason ne Sosipatro a wɔyɛ me nuanom Yudafo no nso kyia mo.

22 Me Tertio, a meyɛ ɔkyerɛwfo ma Paulo yi nso, mede Awurade din kyia mo.

23 Gaio a asafo no hyia wɔ ne fi no nso kyia mo.

Erasto a ɔyɛ kurom ha sikakorafo ne yen nua Kwarto se wokyia mo.

24 Yen Awurade Yesu Kristo adom nka mo nyinaa.

25 Momma yenyi Onyankopɔn ayɛ! Ɔno na otumi ma mo gyina pintinn wɔ mo gyidi mu senea mekaa wɔ Asempa a efa Yesu Kristo ho kyerɛɛ mo no. Senea medaa nokware ahintasɛm a efi teteete no adi kyerɛɛ mo no,

26 wɔnam adiyifo kyerɛwsem a efi Onyankopɔn Teasefo no nkyɛn ada ahintasɛm yi adi ama wɔahu senea aman nyinaa begye adi na wɔayɛ osetie ama no.

27 Ɔno, Onyankopɔn nyansafo no na anonyam nka no wɔ Yesu Kristo mu daa daa! Amen.

**Biblica® Wonhia εho kwamma nhoma
Akuapem Twi Nkwa Asem™
Twi: Biblica® Wonhia εho kwamma nhoma
Akuapem Twi Nkwa Asem™ (Bible)**

copyright © 2020 Biblica, Inc.

Language: Akuapem Twi (Twi)

Dialect: Akuapem

Translation by: Biblica, Inc.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at www.biblica.com and open.bible.”

Notice of copyright must appear on the title or copyright page of the work as follows:

Biblica® Open Akuapem Twi Contemporary Bible™

Copyright © 1996, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

Biblica® is a trademark registered in the United States Patent and Trademark Office by Biblica, Inc. and may not be included on

any derivative works. Unaltered content from open.bible must include the Biblica® trademark when distributed to others. If you alter the content in any way, you must remove the Biblica® trademark before distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-04-09

PDF generated using Haiola and XeLaTeX on 18 Apr 2025 from source files dated 29 Jan 2022

db9c1a75-e6f7-5999-979b-02f8eb612f40